

# INUIT ATAQATIGIIT

## Inatsisartuni



1. oktober 2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

- 1. Meeqqat Atuarfiisa pisortaat pisortatut ilinniagallit ulloq manna qassiuppat?**
- 2. Meeqqat Atuarfiisa pisortaat ulloq manna pisortatut ilinniagallit Nunatsinni qanoq agguataarsimappat?**
- 3. Meeqqat Atuarfiisa pisortaat pisortatut ilinniagallit ukiuni ukunani sorlerni tamanna naammassisimavaat; 2013, 2014, 2015, 2016, 2017?**
- 4. Ukiuni 2013, 2014, 2015, 2016 aamma 2017-imi Meeqqat Atuarfiisa pisortaat pisortatut ilinniagaqarsimasut ukiumikkut qanoq agguataarsimappat?**
- 5. Meeqqat Atuarfiisa pisortaat qassit ullumikkut pisortatut ilinniakkamik ingerlatsippat?**
- 6. Meeqqat Atuarfiisa pisortaat ullumikkut pisortatut ilinniakkaminik ingerlatsisut Nunatsinni qanoq agguataarsimappat?**
- 7. Pisortatut ilinniarnernik ingerlatsinermut pisortaqrifiit sorliit aningaasalersuippat?**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Atuarfiup pisortaatut atuutissagaanni pisortatut piginnaasanik pisortatigoortumik piunasaqartoqarneranik Inatsisartut inatsisaanni nr. 15, 3. december 2012-imi § 48-mi allassimasoqanngilaq. Taamaallaat allassimavoq "Atuarfiup pisortaatut sulissaguni pineqartoq meeqqat atuarfianni ilinniartitsisussatut ilinniarneq imaluunniit ilinniarneq alla Naalakkersuisut akuerisimasaat naammassillugu ilinniarsimasariaqarpoq."

Ilisimavara atuarfiit pisortaasa pisortatut piginnaanngorsarnerat ingerlasoq, soqutiginarporlu paasissallugu piffissami 2013-miit 2017 ilanngullugu atuarfiit pisortaat qassit pisortatut pikkorissarnermik ingerlataqarsimanersut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.